

**Im Oligarchen Eldorado vom Bayernland
Heit sama in a boarischn Trachtnstubn
Mit a wunderscheena Lüftlmalerei rundumadum
Wo hinter mancher scheena Lüftlmalerei
Wuchert ein betonierter Einheitsbrei
heit sama in am Tal mit großer Geschichte
und einer noch größeren Porsche Dichte
wo ma den üblichen Bauablauf längst umkehrt
und draus die Reihenfolge Planen Bauen, dann Genehmigen werd
weil net de Gemeindräte im Rathaus drinna
sondern Investorengruppn über Bauanträge bestimma
wo jetz, wo´s im Tal herunt engt
ein Wettbietn um de Oima entbrennt
wo ma de Sauriaßloim oam überlaßt
zu dem koa Oim, aber der Ausdruck Sauriaßl paßt
weil er jedm guatn Gschmack, jeder Tradition trotzt
und des Oimwirthaus zur Eventhüttn aufmotzt
oana, der wie ein Geier überm Tal kreist
ein Beton Oligarch, der si ois´ untern Nagl reißt
wo da Neuer bei da Valepp
sich nicht erweist ois so a Depp
wo´s im Bistro vom Ex-Bgm. Neffn Preysing auf de Tisch
bei Bentley Parties mehr Schampus und Hummer gibt wia Fisch
eine Luxuslocation für Fahrer von Porsche und Benz
ein Symbol für Tegernseer Disneyland und Ischgl Dekadenz
wo der friahre Kirchnwirt unterm Korbinian Kohler zum Bussy Baby werd
in dem da Graf von Rotz und Protz verkehrt
wo de Einheimischn, wenn´s no net verkafft ham
längst Exotn in da eignen Hoamat san
wo ma von de Bes. hert/ dass des wos net am Haslberger seins is am Strüngmann
wo Planquadrat des oide KKH in´s Luxuswohnungssegment ruckt
wos Bgm. und Gemeinderat nicht die Bohne juckt
wo a junga Sozi im Ratschhaus regiert
der toleriert werd, so lang er si net wia a Sozi auffiaht
wo de Schutzgemeinschaft seit 50 Jahr gegn de Heimatzerstörung aneckt
und dafür sogn mir: Hochachtung, Respekt!**